


Aldo e Vittorio Laura (a cura di), *Alta Valle d'Orba. Dalle fotografie di don Andrea Bruno*, Tormena, Genova 2019, pagg. 92

Òua a “vacansa” a se fa in croxea ò a-e Maldive, 'na vòtta se fava o “vilezzo”, de longo into mæximo pòsto pe generaçioin; a diferenza ciù gròssa tra e doe cöse a l'è che da-e vacanse se ritorna e se pensa a-a pròscima inte 'n atro pòsto, da-o vilezzo no se ritorna mai, se gh'arèsta ligæ pe-a vitta. Ne-o spiega ben questo libro, fruto da pascion de 'n præve pe-a fotografia, de quella di outoî pe-a riçerca inti magazin infinii da memöia (che sovente a finisce in scî banchetti), e de l'amò de tutti trei pe 'na valadda e 'n pàize, Martina: in pàize, aponto, de vilezzo. O Vitöio Laura o l'è console da Compagna e con seu papà Aldo, da pòco mancòu, àivan za publicòu *L'alta Valle d'Orba in viaggio. Le cartoline*, do 1997.



Andrea Lercari (a cura di), *Gli Staglieno. Origini, ritratti e protagonisti di una storica famiglia patrizia genovese*, Sagep Editori, Genova 2018, pagg. 216

A-i zeneixi o nomme Stagen o fa vegnì in cheu primma de tutto o canposanto; tanti san ch'ò l'è un di vegi comuni tra i primmi intræ a fâ parte da Grande Zena, ma fòscia pöchi san ch'ò l'è ascì o nomme de 'na famiglia antiga che li a l'à e seu rèixe e ch'a l'à contriboia a fâ a stöia da Republica, inparentâ co-e cazate ciù in vista. Fin da-o Duxento i Stagen àn avuo inportanti càreghe inte l'aministraçion e s'en distinti in campo militare, e in tempi ciù vixin a niatri anche inta coltûa, co-o stòrico Marcèllo Stagen (ch'ò l'à 'na stradda intitolâ, a-a Foxe) e o sò prònèvo òmònimo, giornalista, scrîtò e politico (1938-2013). Inte questo libro gh'è tutto, rigorozamente documentòu, e l'ùrtima parte a l'è dedicâ a-e dònne da famiglia.



Enrico Giannichedda (a cura di), *Il Museo di Masone. Come è nato, cosa contiene, come può crescere*, Sagep Editrice, Genova 1993, pagg. 80

Enrico Giannichedda, *Oggetti di vita quotidiana. Le collezioni del Museo Civico di Masone, Il Portolano*, Genova 2009, pagg. 64

Doi libri datæ ma senpre atoali, perché ne fan cosce a stöia e ne descrivan e colejoìn de 'n muzeo speciale, ch'ò vâ ben o viaggio pe analo a vixità. O mérito o l'è tutto de l'Andrea Tubin (1919-1992), in mazonéize che pe pascion o recheugéiva tutto quello che ghe pàiva dovesse èse conservòu, agiutòu anche da tutti i conpaizen, che primma de caciâ via 'na cösa vegia ghe-a fâvan vedde. Missi insieme i primmi 4000 tócchi, o gh'à trovòu 'na beliscima sistemaçion inte l'ex convento di agostinien, misso a dispoiscion da-a marchéiza Carlotta Fasciotti Giustinien Cattaneo Adorno. Primma d'èse intitolòu a-o seu fondatò, o muzeo o se ciamava *Museo degli usi e costumi della gente della Valle Stura*, e gh'è pròpio de tutto.

